

## **Tau talahauaga fakaeneene**

Ofisa he Hagai Ikipule ma e Faahi Gahua Fakaako

Ko e komiti ne leveki atu ke he moui malolō tino katoatoa ma e tau momoui tagata

## **Kumikumiaga ke he tau fakaholoaga kua mahuiga lahi: Ko e tau Fakatokatokaaga mo e tau Fakaholoaga Gahua ke mui tua ki ai**

### **Tohi Ole**

- 1 Ko e pepa nei ke moua ai e fakamooliaga he Kapaneta ke he tau Fakatokatokaaga ma e tau fakatokatokaga gahua ke mui tua ki ai ke he tau lagomatai ma e tau Fanau Aoga kua kua mua atu e tokoluga e fakapapahiaga he tau lagomataiaga ma e tau fakaakoaga.

### **Tau matutakiaga ke he tau matakupu mahuiga he fakatufono**

- 2 Ko e Kumikumiaga nei kua matutaki ai ke he tau fakatokatokaaga kua taute to hoko e viliaga lahi ne kua toka ki loto he Labour Party's Education Policy ke lata ma e vilaaga lahi he tau 2020. Ko e kumikumiaga ke fakatolomaki ki mua e monuina he tau matakupu mahuiga ne lima ma e faahi gahua fakaako, mo e lagomatai foki e fakagahuaga monuina he Tohi Fakatokatoka Gahua he Fakatufono ma e moui malolō tino katoatoa he tau Fanau mo e tau Fuata.

### **Fakakatoatoaaga Hokotaki**

- 3 Kua tumau e Fakatufono ke fakamau e tonuhia he tau fanau oti mo e tau fanau fuata ke moua e taha fakaakoaga mo e tau lagomatai kua lata mo lautolu ke maeke ia lautolu ke moua e tau fakaakoaga mo e kautūaga ke he puhala kua ō tatai mo e falu foki. Lahi mahaki e gahua kua fita he fakagahuua he faahi gahua fakaako ke gahua ke lata mo e fakamooliaga nei.
- 4 Ko e tau kupu ‘fanau’ mo e ‘tau fuata’ kua fakaaoga pauaki ai ki loto he pepa nei ke putoia ai e tau tamariki mo e rangatahi Mauli pihia mo e tau fanau mo e tau fanau fuata he tau motu kehekehe pihia mo e ha lautolu a tau omaiaga.
- 5 Ko e laulahi he tau fanau mo e tau fuata kua maeke mo e kautū ke he tau fakaakoaga mai ia he tau lagomatai ikiiki mo e tau fakatokatokaaga ki loto he ha lautolu a tau pokoaoga mo e tau aoga. Ko e kakano he kautū kua fai kehekeheaga ai ha ko e tau matapatu gahua, tau gahua kua foli ki ai, pihia mo e tau manako he tau fanau poke tau fuata takitaha. Ke mohā ia, falu he tau fanau mo e tau fuata kua lauia ai ke he tau puhala uka ke moua ai e tau fakaakoaga ke he puhala kua ō tatai mo e falu tagata foki mo e kua lata ke moua ai e tau lagomatai kua hako mo e kua tū tokotaha ke maeke ke kalo ke he mai mo e tau mena nai.
- 6 Ko e United Nations Convention on the Rights of Persons with Disabilities (UNCRPD) Article 24 mo e talahauaga he Komiti hagao ia ke he tonuhia ke moua e tau fakaakoaga mo e fakakakanoaga he Komiti ke he tau fakaakoaga auloa kua lagomatai ke hataki ai e tau kitekiteaga ki mua he Faahi Gahua ke he tau fakaakoaga auloa. Ko e Tohi Fakatokatoka Gahua ma e Tau tagata kua nakai katoatoa e tau Moui Malōlō Tino kua

hataki ai he tau lagomataiaga laulahi he Fakatufono ke he UNCRPD pihia mo e fakaveaga numela taha ma e tau fakaakoaga.

- 7 Ko eLearning Support Action Plan 2019 – 2025 (The Action Plan) ko e Fakaholoaga Gahua ma e Tohi Fakatokatoka gahua ma e tau fanau mo e tau fuata ne kua tohia ai e tau kitekiteaga ki mua he Fakatufono ma e tau fakaakoaga kua auloa ki ai “*ke he magaaho kua logona he tama e fakalatahaaga, kua nofo ai, kua fai fakagahuaaga ai, ke he mena kua leveki mo e fakaohooho ai e ha lautolu a tau momoui malolō tino katoatoa, ko e tau fakaakoaga ko e fenoga kua tumau ke he mouiaga he tagata, mo e kua moua ai he tau fanau mo e tau fuata kua hāhā kia lautolu e tau lagomataiaga ke he tau fakaakoaga e tau lagomatai hako ke he taimi hako. Mahuiga lahi ke moua he tau fanau mo e tau fuata mo e ha lautolu a tau magafaoa mo e tau magafaoa laulahi e fakamalolōaga kua amanaki ai he mena nei ke kautū ke he tau faahi gahua he tau fanau nakai la kamata mo e aoga pihia mo e me ngā kōhangā reo, aoga poke kura kua fano ai e tama ki ai*”
- 8 Hāhā agaia e falu he tau lekuā ke he tau puhala gahua ke moua mo e fakaholo ai e tau lagomataiaga fakahako ma e tau tagata takitaha. Ko e Matacupu Mahuiga numela fā kua fakamau ai he Fakatufono ke “*Onoono ke he tau lagomataiaga ma e tau fanau mo e tau fanau fuata ne kua mua atu e tokoluga e tau lagomataiaga kua lata mo lautolu kua nakai katoatoa e tau momoui, kua putoia ai e tau matutakiaga he tau fakakoloaga Sikimi, ke maeke ke hokotia e tau lagomataiaga kua moua he tau fanau mo e tau fuata, mo e fakagahua e tau fakatokaaga kua lata ai*” (ko e Kumikumiaga).
- 9 Kua fakaohooho atu e au ke he Fakatokatokaga he Kumikumiaga nei:
- 9.1 Ke taute ai puhala kua katoatoa ma e tau fanau mo e nakai fakakakano ai e tau fanau mo e tau fuata hagao ia ke he ha lautolu a tuaga fakamalolō tino, moui malolō tino kua nakai katoatoa, lekuā fakamalolō tino poke tau kehekeheaga ke he tau puhala fakaako ka e fakamatapatu ai ke he tau lagomatai ma e tau fanau mo e tau fuata kua lata ke moua e lautolu mo e tau puhala kua maeke ia lautolu ke moua ai e tau lagomataiaga nei. Kua lauia foki a lautolu kua:
- 9.1.1 moua ai e tau lagomatai fakatagata ke he magaaho nei
- 9.1.2 kua manako a lautolu ke moua e lagomatai fakatagata
- 9.1.3 kua nonofo ke he tau nonofoaga ne kua tu hagahaga kelea e tau puhala ke moua ai e tau lagomataiaga nei
- 9.2 Kua fakamatapatu ai ke he fenoga he fanau mo e tau fuata ke he tau fakaholoaga he faahi gahua fakaako, kamata mai he tau fakaakoaga fakamua ke hoko atu ke tau lagomataiaga ke he magaaho ka fano ke he mai he aoga tokoluga.
- 9.3 Kua putoia ai foki e tau puhala kua maeke he tau fanau mo e tau fuata ke moua ai e tau lagomataiaga ke he mena fe ni kua fakaako ai a lautolu.
- 9.4 Kua fakatautonu ai e manako ke moua e tau katofia kua o fano ai ke he tuaga he faahi gahua fakaako ke fakaohooho mo e maeke ke moua ai e tau fakafetuiaga kua malolō ke maeke he tau aoga oti ke moua e tau lagomataiaga kua pulotu kua taute ai he tau matakavi kua fakasipesalisi.

- 9.5 Kua putoia ai foki e tau puhala ke moua ai e tau lagomataiaga mo e tau gahua. Kua lauia ai foki he mena nei e kumikumiaga fakamahino ke he tau fifiliaga kua mauokafua mo e kua tū tokolalo mo e tau puhala ma e tau tohi ole ke taute ai e fifiliaga ko e tau fanau mo e tau fuata fē ka maeke ke moua ai e tau lagomataiaga nei, ko e tau lagomataiaga fēfē kua lata ke moua, mo e fiha e leva ke moua ai e tau lagomataiaga nei.
- 9.6 Kua mepe ai e tau fakatokatokaaga ke he fakatupeaga mo e tau fakakoloaaga ke he magaaho nei fakatai aki e laulahiaga mo e fuafuaaga he tau numela ma e tau lagomatai fakatagata ke lata mo e tau fakailoaaga ma e tau vahega fifiliaga kehekehe mo e tau puhala kua maeke ke o ke he mai he tau lagomataiaga ke he motolo kua lopoti ni ke he falu.
- 9.7 Kua kitekite ai ke he tau gahuahuaaga he tau lagomataiaga ke he tau manako he tau fanau/magafaoa mo e tau puhala kua maeke he tau lagomataiaga nei ke lagomatai atu ke he tau fanau mo e tau fuata ke moua ai e tau fakakakanoaga ke moua ai e kautū.
- 9.8 Kua lauia ai foki e fakatataiaga he tau faahi gahua mo e tau lagomatai ke he tau faahi gahua he fakatufono ma e tau fanau, tau fuata mo e ha lautolu a tau magafaoa/whānau, pihia foki mo e tau lagomataiaga ke he faahi fakamotu.
- 9.9 Kua malikit hake ki luga e pulotu, maamaaga mo e puhala gahua he tau tagata ke atulese mo e tukutuku hifo ki lalo e tau pā kua lauia ai e tau fanau mo e tau fuata ke he tau fakapapahiaga oti he gahuaaga; tuaga he matapatu mo e pokoaoga, tuaga ke he gahuaaga, tuaga ma e takitakiaga, faiaoga fakaako pihia mo e tuaga fakasipesalisi mo e tuaga he Faahi Gahua katoa.